



ՀՀ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅԱՆ
ԵՐԵՎԱՆԻ ԱՆԱՆԻԱ ՇԻՐԱԿԱՅՈՒ ԱՆՎԱՆ ՃԵՄԱՐԱՆԻ
2010-2011 ՈՒՍՏԱՐՎԱ ԸՆԴՈՒՆԵԼՈՒԹՅԱՆ ԿԱՆՈՆՆԵՐԸ



1. Երևանի Անանիա Շիրակացու անվան ճեմարանը կատարում է մրցութային ընդունելություն հանրապետության, ինչպես նաև Սփյուռքի և արտասահմանի նախադպրոցական տարիքի երեխաների և հանրակրթական դպրոցների շնորհալի սովորողների համար, որոնք ցանկանում են ստանալ հանրակրթական խոր գիտելիքներ, բարձրակարգ և լիարժեք միջնակարգ կրթություն:

2010 թ. սպրիլից ճեմարանը «Ռաունդ Սքվեր» (Round Square) միջազգային դպրոցների համաշխարհային ասոցիացիայի լիիրավ անդամ է: 2008թ.-ից ճեմարանը ԱՊՀ երկրների միջազգային բակալավրիատի (IB) դպրոցների ասոցիացիայի անդամ է:

2. Ճեմարանի կրթական կառույցներն են՝

- «Փոքրիկ ճեմարանական» կրթահամալիր

- նախակրթարան (4 և 5 տարեկանների համար)
- կրտսեր դպրոց (1-4-րդ դասարաններ)

- միջին դպրոցի 1-ին մակարդակ (5-7-րդ դասարաններ, պետպատվերի և վճարովի համակարգեր)

- ավագ դպրոց և միջին դպրոցի 2-րդ մակարդակ 8-11-րդ դասարաններ, պետպատվերի և վճարովի համակարգեր, 10-րդ դասարանում՝ բնական գիտությունների և հումանիտար ուղղություններ, 11-րդ դասարանից՝ տարբերակված հոսքային ուսուցում)

- հեռակա նախապատրաստական դպրոց (կիրակնօրյա դպրոցը): Հաջորդ ուստարվանից հեռակա դպրոցում լայնորեն կիրառվելու է հեռավար ուսուցումը:

Սովորողների թիվը կրտսեր դպրոցի խմբերում սահմանվում է 10-14, միջին և ավագ դպրոցների խմբերում՝ 14-16:

3. Ընդունելությունը պետպատվերի տեղերում.

3.1. Ճեմարանի պետպատվերի տեղերում ընդունելությունը կազմակերպվում է միայն 8-րդ դասարանում, ուր կարող են ընդունվել հանրապետության միջնակարգ ուսումնական հաստատությունների ընթացիկ տարվա 7-րդ, ինչպես նաև արտասահմանյան (այդ թվում ԱՊՀ) երկրների համապատասխան դասարանն ավարտած աշակերտները (տես նաև 3.3, 3.5 և 4.3 կետերը)՝ ընդունելության քննությունների արդյունքներով՝ մրցութային կարգով:

Դիմորդները հանձնում են գրավոր քննություններ.

- հայոց լեզվից,
- մաթեմատիկայից,
- ռուսաց լեզվից՝ ոչ մրցութային,
- օտար լեզվից (անգլերեն, ֆրանսերեն, գերմաներեն, իսպաներեն, պարսկերեն՝ դիմորդի ընտրությամբ)՝ ոչ մրցութային:

Բոլոր քննություններն անցկացվում են հանրակրթական դպրոցների առարկայական ծրագրերի պահանջներին համապատասխան:

3.2. Ճեմարանի միջին դպրոցի 7-րդ դասարանն ավարտած սաները պետպատվերի համակարգի 8-րդ դասարան կարող են ընդունվել համապատասխան փոխադրական քննությունների (հայոց լեզու, ռուսաց լեզու, օտար լեզու և մաթեմատիկա) հիման վրա՝ մրցութային կարգով՝ նախատեսված տեղերի 60%-ի չափով:

3.3. Առանձնահատուկ ընդունակություններ դրսևորած, այդ թվում հանրապետական օլիմպիադաներում 1-ին, 2-րդ և 3-րդ կարգի մրցանակներ շահած սովորողները կարող են ընդունվել ճեմարանի պետպատվերի համակարգի համապատասխան դասարան առանց ընդունելության քննությունների՝ հարցազրույցների հիման վրա, ամբողջ տարվա ընթացքում:

3.4. Ճեմարանի պետպատվերի համակարգի 2010-2011 ուստարվա 8-րդ դասարանի ընդունելության համար սահմանված է 70 տեղ (տեղերի թիվը պայմանական է): Ընդունելության գործընթացի կազմակերպման հիմնական դրույթներն են .

3.4.1. Գրավոր աշխատանքների արդյունքների ամփոփման համար կիրառվում է 200 միավորանոց համակարգ («0.1»-ից մինչև «20» միավոր՝ 0,1 սանդղակով)՝ սահմանելով նվազագույն դրական գնահատականը՝ «8,0» միավոր:

3.4.2. Մրցութային անցկացվում է բոլոր քննությունները դրական գնահատականներով հանձնած սովորողների միջև՝ հայոց լեզվից և մաթեմատիկայից ստացած միավորների գումարի հիման վրա:

Մրցութից դուրս մնացած դիմորդները նույն գնահատականներով կարող են մասնակցել 8-րդ դասարանի վճարովի համակարգի մրցութային՝ թափուր տեղերի առկայության դեպքում: Ճեմարանի ավագ դպրոցի վճարովի համակարգի սովորողները հետագայում կարող են տեղափոխվել պետպատվերի համակարգ (տես 3.5 կետը):

3.4.3. Հավասար միավորների դեպքում նախապատվությունը տրվում է.

- ա) ռուսաց և օտար լեզուներից առավելագույն գումարային միավորներ ստացած դիմորդներին,
- բ) ճեմարանի միջին դպրոցի սաներին,
- գ) ճեմարանի կիրակնօրյա նախապատրաստական դպրոցի սաներին:

3.4.4. Զննության գնահատականը դիմորդն իրավունք ունի ներկայացնել վերանայման՝ ըստ

ճեմարանում գործող կարգի :

3.4.5. Ընդունելության քննություններին մասնակցելու համար սահմանվում է 4000 դրամ քննավարձ:

3.4.6. Քննավարձից ազատվում են՝ երկկողմանի ծնողագուրկ, զոհված ազատամարտիկների, բազմազավակ (5 և ավելի երեխա ունեցող) ընտանիքների երեխաները, մնացած դեպքերում՝ ընդունող հանձնաժողովի որոշմամբ:

3.4.7. Դիմորդների փաստաթղթերն ընդունվում են հունիսի 1-ից մինչև 19-ը, ժ. 9⁰⁰ – 16³⁰ (բացի կիրակի օրերից):

3.4.8. Ընդունելության քննություններն անցկացվում են հունիսի 21-ից 28-ը:

3.4.9. Մրցույթով անցած սաները համարվում են ընդունված՝ սահմանված ժամկետներում ծնողների (կամ նրանց փոխարինող անձանց) հետ համապատասխան պայմանագիր կնքելուց և հրամանագրվելուց հետո:

Ընդունելության հրամանը հրապարակվում է հուլիսի 7-ին:

3.5. Ճեմարանի միջին և ավագ դպրոցների վճարովի համակարգերի սովորողները, բացի 7-րդ դասարանն ավարտողներից (տես 3.2 կետը), ովքեր կիսամյակն ամփոփել են դրական գնահատականներով, կարող են տեղափոխվել պետպատվերի համակարգ՝ համաձայն ճեմարանում գործող կարգի: Կրտսեր դպրոցը հաջողությամբ ավարտած սաները մրցութային կարգով տեղափոխվում են միջին դպրոցի պետպատվերի համակարգի 5-րդ դասարան՝ համաձայն ճեմարանում գործող կարգի:

3.6. Ուսումնադաստիարակչական գործընթացը կազմակերպվում է շուրջօրյա կամ երկարացված օրվա աշխատակարգերով: Սովորողներն ապահովվում են սննդով, անհրաժեշտության դեպքում՝ հանրակացարանով, միջին դպրոցի 2-րդ մակարդակի և ավագ դպրոցի սաները՝ նաև կրթաթոշակով:

4. Ընդունելությունը վճարովի կառույցներում.

4.1. Ճեմարանի կրտսեր դպրոցի 1-ին դասարանի ընդունելությունը կատարվում է ըստ դիմումների ստացման հերթականության՝ դպրոցին հոգեբանական պատրաստվածության ստուգման արդյունքների հիման վրա: Ընդունելությունը և խմբերի համալրումը իրականացվում է խմբերի համասեռության (աղջիկների և տղաների թվի հավասարության) սկզբունքով: 2010-2011 ուստարվա 1-ին դասարանի ընդունելության համար սահմանված է 44 տեղ (տեղերի թիվը պայմանական է):

Ընդունելության գործընթացը սկսվում է ս/թ հունիսի 5-ից առանձին կարգով, որի հետ կարելի է ծանոթանալ ճեմարանում: Թեստավորման աշխատանքների կազմակերպման համար նախատեսված վճարի չափը 3000 դրամ է:

2007 թ.-ից ճեմարանը միջազգային բակալավրիատի (International Baccalaureate) դպրոց դառնալու հավակնորդ է: 2010-2011 ուստարվանից կրտսեր դպրոցում ներդրվելու է IB կրթական ծրագիրը :

4.2. Կրտսեր դպրոցում և միջին ու ավագ դպրոցների վճարովի համակարգում (տես նաև 3.5 կետը) ընդունելությունն իրականացվում է մրցութային հիմունքներով, շուրջօրյա՝ թափուր տեղերի առկայության դեպքում՝ համաձայն ճեմարանի ընթացիկ ընդունելության գործընթացի կազմակերպման կարգի:

4.3. Արտասահմանյան (այդ թվում ԱՊՀ) երկրների աշակերտների ընդունելությունը կատարվում է ամբողջ տարվա ընթացքում, բոլոր դասարաններում, ընդ որում՝ նրանց **կրթությունը կարող է կազմակերպվել օտար լեզվով ուսուցմամբ՝ ուսումնական ծրագրերը համապատասխանեցնելով ինչպես Հայաստանում, այնպես էլ այլ երկրներում գործող ծրագրերին:**

4.4. Վճարովի տեղերում սովորող սաները բարձր առաջադիմության դեպքում ապահովվում են հատուկ կրթաթոշակներով:

4.5. Միջին և ավագ դպրոցների վճարովի համակարգում ուսումնադաստիարակչական գործընթացը կազմակերպվում է ինչպես հենքային, այնպես էլ շուրջօրյա և երկարացված օրվա աշխատակարգերով: Ցանկացողներն ապահովվում են հանրակացարանով:

5. Ընդունելության հետ առնչվող բոլոր չնախատեսված հարցերը վճռում է ընդունող հանձնաժողովը:

6. Դիմորդները ներկայացնում են.

- դիմում,
- ծնողների գրավոր համաձայնությունը,
- տեղեկանք բնակավայրից,
- տեղեկանք առաջադիմության մասին (բացի 1-ին դասարանի դիմորդներից),
- ծննդյան վկայականի կամ անձնագրի պատճենը,
- 3x4 չափսի 4 լուսանկար,
- տեղեկանք առողջության մասին (063 և 026 ձևեր):

Դիմումներն ընդունվում են ճեմարանի ավագ դպրոցում (գլխավոր մասնաշենք):

7. Բոլոր սովորողների տեղափոխումը կատարվում է հատուկ տրանսպորտային միջոցներով:

8. Նախակրթարանի և կիրակնօրյա նախապատրաստական դպրոցի ընդունելության պայմանների հետ կարելի է ծանոթանալ ճեմարանում:

9. Ճեմարանի միջին և ավագ դպրոցների հասցեն է՝ **Նոր Նորքի 5-րդ զանգված, Արտեմ Միկոյանի փող. 35, հեռ.՝ (+374 10) 64 01 02 , 64 07 87, 64 07 89, 64 15 17.** կրտսեր դպրոցինը՝ **Նոր Նորքի 5-րդ զանգված, Գալչյան փող.15, հեռ.՝ (+374 10) 64 57 05, 66 82 81:** Ճեմարան կարելի է գալ հ.հ. 9; 32; 40; 58; 82 երթուղային տաքսիներով և հ.հ. 22; 28; 40 ավտոբուսներով, կրտսեր դպրոց՝ նաև հ.51 երթուղային տաքսիով և հ.10 տրոլեյբուսով:

Էլ.հասցե՝ shirakatsylyceum@yahoo.com

Ինտ. կայք՝ www.shirakatsy.comy